



Մ Ա Յ Ր Ա Թ Ո Ւ Ո Ւ Մ

Ապրիլի 19-ին՝ չորեքշաբթի.—Ճեմարանի հարկի տակ տեղի ունեցավ քույր և եղբայր Սվաճյանների (շութակ և դաշնամուր) համերգը, որին ներկա էին ուսանողներն ու Մայր Աթոռի միաբանությունը: Կատարվեցին Բախի, Չայկովսկու, Ա. Խաչատրյանի, Քենդի ստեղծագործություններից և իսպանական ժողովրդական «Կրանդո» պարը:

Հոգևոր ճեմարանի տեսուչ հոգ. տ. Ներսես ծ. վրդ. Պողապալյանը համերգի վերջում շնորհակալություն հայտնեց ներկաների կողմից քույր և եղբայր արվեստագետ Սվաճյաններին:



Ապրիլի 20-ին՝ հինգշաբթի.—Կեսօրից հետո, ժամը 3-ին, Բյուրականի աստղագետներից Հայկ Բաղալյանը «Երկնային մարմինները» թեմայի շուրջ կարգաց իր երրորդ շահեկան դասախոսությունը: Վերջում տեսուչ հայր սուրբը ջերմ շնորհակալություն հայտնեց հարգելի դասախոսին՝ հետաքրքիր դասախոսության համար:



Ապրիլի 23-ին՝ կիրակի.—«Տօն երևման ս. խաչի»։ Մայր տաճարում պատարագ մատուցեց հոգ. տ. Ներսես ծ. վրդ. Պողապալյանը և քարոզեց «Այսօր նշան ս. խաչի ի յերկնից երևեալ» բնաբանով:

Ս. պատարագին ներկա էր Վեհափառ Հայրապետը:



Ապրիլի 24-ին՝ երկուշաբթի.—«Յիշատակ բերաւոր նահատակացն մերոց որք կատարեցան յընթացս համաշխարհային առաջին պատերազմի»։ Ապրիլյան եղեռնի հիսունհրկուերորդ տարեդարձի առիթով Մայր տաճարում պատարագ մատուցեց և քարոզեց

լուսարարապետ տ. Հայկազուն արքեպ. Արահամյանը՝ «Եմուտ ի նոսա շունչն և եղևն կենդանի և կանգնեցին կացին ի վերայ ոտից իւրեանց ժողովուրդ բազում յոյժ յոյժ» (Եզեկ. Լէ. 10) բնաբանով:

Հավարտ ս. պատարագի, Վեհափառ Հայրապետի հանդիսադրությամբ, Մայր տաճարում կատարվեց հոգեհանգիստ՝ Ապրիլյան եղեռնի նահատակների խնկելի հիշատակին: Ապա Ն. Ս. Օծությունը եկեղեցական թափուրով առաջնորդեց Մայր Տաճարի հյուսիսային շրջափակում ապրիլյան նահատակաց հուշարձանի մոտ, որտեղ ևս կատարվեց հոգեհանգստյան հատուկ արարողություն: Հոգեբազմության ներկայությամբ:

Նույն օրը Վեհափառ Հայրապետի բարեհաճ կարգադրությամբ, պատկական տոների առթիվ, Երուսաղեմ ուխտի մեկնեց Մայր Աթոռի միաբան հոգ. տ. Նարեկ վրդ. Շաքարյանը՝ մի խումբ ուսա հոգևորականների և հավատացյալների հետ:



Ապրիլի 26-ին՝ չորեքշաբթի (հին տոմարով).—Ձատկական տոնի առթիվ Բաբու մեկնեց հոգ. տ. Ներսես ծ. վրդ. Պողապալյանը՝ բնկերակցությամբ արժ. տ. Նշան քհն. Բեյլեյանի և ուրարակիր Հովսեփի Հակոբյանի՝ պատարագելու և Բանին կենաց քարոզությամբ մխիթարելու հավատացյալներին:

Հայր սուրբը Ավագ հինգշաբթի օրը՝ խավարման գիշերը, քարոզել է «Միրտ իմ սասանի վասն Յուզայի» բնաբանով: Ապա ճրագալույցի օրը, ս. պատարագի ժամանակ՝ «Քրիստոս յարեալ ի մեռելոց» բնաբանով:

Կիրակի, Հարության տոնի առիթով, հոգ. տ. Ներսես ծ. վրդ. Պողապալյանը կրկին պատարագել է ու քարոզել «Զի՞ խնդրեք զկենդանին ընդ մեռելալս» բնաբանով:

Հոգ. հայր սուրբը Մայր Աթոռ վերադարձավ մայիսի 2-ին:

Նույն օրը, զատական տոնի առիթով, Թրիլիսի մեկնեց գեր. տ. Հուսիկ եպս. Սանթուրյանը՝ նախագահելու եկեղեցական արարողություններին: Զատիկի տոնի օրը սրբազանը պատարագել և քարոզել է Թրիլիսի հայոց եկեղեցում՝ «Զէ աստ, այլ յարեալ» բնաբանով:

Սրբազանը Մայր Աթոռ վերադարձավ մայիսի 2-ին:

Ապրիլի 30-ին՝ կիրակի.— Մայր տաճարում ս. պատարագ մատուցեց հոգ. տ. Մուշեղ վրդ. Պետրիկյանը:

Մայիսի 4-ին՝ հինգշաբթի.— «Համբարձումն Քրիստոսի»։ Մայր տաճարում պատարագեց հոգ. տ. Գևորգ վրդ. Սերադարյանը և քարոզեց լուսարարական տ. Հայկազուն արքեպ. Աբրահամյանը՝ «Արք գալիւնացիք, զի կայք հայեցեալ ընդ երկինս» բնաբանով:

Հավարտ ս. պատարագի, ի հիշատակ Հայրապետական Աթոռի Սահյ ս. էջմիածին փոխադրության տարեդարձի, կատարվեց հայրապետական մաղթանք:

Օրվա հանդիսությունց ներկա էր վեհափառ Հայրապետը:

Մայիսի 6-ին՝ շաբաթ.— Հոգևոր ճեմարանի հարկի տակ դասախոսեց աշխարհագրագետ Կամսար Ավետիսյանը՝ «Հնդկաստան» թեմայով:

Տեսուչ հոգ. տ. Ներսես ծ. վարդապետը դասախոսության ավարտին շնորհակալություն հայտնեց հարգելի դասախոսին՝ հետաքրքիր բանախոսության համար:

Մայիսի 7-ին՝ կիրակի.— Երկրորդ Ծաղկազարդ: Մայր տաճարում պատարագեց արժ. տ. Մկրտիչ ավագ քհն. Մկրտչյանը և քարո-

զեց հոգ. տ. Ներսես ծ. վրդ. Պողոսյանը՝ «Մեծահրաշ այս խորհուրդ ավանդութեամբ լաւ մեզ հասեալ» բնաբանով:

Մայիսի 11-ին՝ հինգշաբթի.— Այսօր հոգևոր ճեմարանի ուսանողությունը տեսուչի և դասախոսական կազմի առաջնորդությամբ ուխտի մեկնեց Խորվիրապի վանքը: Ուսանողները այցելեցին նաև Դվինի պատմական ավերակները:

Մայիսի 14-ին՝ կիրակի.— Երեկոյան ժամը 6-ին Մայր Աթոռ ս. էջմիածին այցելեցին Մոսկվայում Չիլիի մեծարգո դեսպան Մակսիմ Պաշեկոյի առաջնորդությամբ Սանտ-Յազո քաղաքի կաթոլիկ համալսարանի ուսուցիչ Ալֆրեդո Միլլա Սանտ-Յազո արքեպիսկոպոսը, վալարազիոյի կաթոլիկ համալսարանի ուսուցիչ Արթուր Ջավալա Ռոխաս և Դիլ Նորդե համալսարանի ուսուցիչ Կարլոս Ալդունատես:

Հարգարժան հյուրերը եղան Մայր Տաճարում, ուր ծանոթացան եկեղեցու կառուցման պատմության, ճարտարապետական կառուցվածքի, Հովնաթանյան մանրանկարչության:

Հյուրերը եղան Մայր տաճարին առնթիւ եկեղեցական արվեստի թանգարանում, ուր ծանոթացան հայ եկեղեցական արվեստի ցուցանմունքներին:

Այնուհետև հարգարժան հյուրերը վեհարանում այցելեցին Ամենայն Հայոց Հայրապետին, որը ջերմորեն ընդունեց այցելուններին:

Ամենայն Հայոց Հայրապետի և հարգարժան հյուրերի միջև տեղի ունեցավ ջերմ զրույց՝ սրաւգին մթնոլորտում:

Հյուրերը վեհարանում գահասարհը, դահլիճները այցելելուց հետո հրաժեշտ առին Հայոց Հայրապետից և Մայր Աթոռից՝ լավաբույն տպավորություններով:

